

ხელშეკრულება №19

სახელმწიფო შესყიდვის შესახებ

ქ. თბილისი

21 აპრილი 2016 წელი

ერთის მხრივ სსიპ „საქართველოს ბავშვთა და ახალგაზრდობის განვითარების ფონდი“ (შემდგომში „შემსყიდველი“) წარმოდგენილი მისი დირექტორის მოვალეობის შემსრულებლის ნათია კობიძის სახით და მეორეს მხრივ შპს „სერვ.ჯი“ (შემდგომში „მიმწოდებელი“) წარმოდგენილი მისი დირექტორის რევაზ ნატროშვილის სახით, საქართველოს სახელმწიფო შესყიდვების კანონის მე-3 მუხლის ს¹ ქვეპუნქტისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს #13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს მე-2 მუხლის „ა“ ქვეპუნქტის შესაბამისად გამარტივებული შესყიდვის საფუძველზე დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინთა განმარტებები

- 1.1. „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით. ხელშეკრულება შედგენილია სამი თანაბარი იურიდიული ძალის მქონე ეგზემპლარად ქართულ ენაზე. აქედან ერთი ეგზემპლარი გადაეცემა მიმწოდებელს, ორი-შემსყიდველს.
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხით გათვალისწინებული ხელშეკრულების საგანი.

2. ხელშეკრულების საგანი

- 2.1. ინტერნეტმომსახურების (CPV 72415000) შესყიდვა წინამდებარე ხელშეკრულების პირობების შესაბამისად, კერძოდ: მიმწოდებელმა უნდა უზრუნველყოს თავის კუთვნილ ვებ-სერვერზე 3 (სამი) გბ სივრცე, 1 (ერთი) დომენის (www.fondi.gov.ge) განთავსების უფლებით; ტრაფიკის, მონაცემთა ბაზების და ელექტრონული ფოსტის შეუზღუდავი რაოდენობა.
- 2.2. დაფინანსების წყარო: სახელმწიფო ბიუჯეტი, 2016 წლის სახსრები.

3. ხელშეკრულების ღირებულება

- 3.1. მომსახურების ღირებულება შეადგენს 15 (თხუთმეტი) ლარს, ერთ კალენდარულ თვეში.
- 3.2. ხელშეკრულების ჯამური ღირებულება შეადგენს 45 (ორმოცდახუთი) ლარს.
- 3.3. ხელშეკრულების ჯამური ღირებულება მოიცავს შესყიდვის ობიექტის მიწოდებასთან დაკავშირებულ მიმწოდებლის ყველა ხარჯსა და საქართველოს კანონმდებლობით გათვალისწინებულ ყველა გადასახადს.

4. ანგარიშწორების ფორმა და ვადები

- 4.1. მიმწოდებელთან ანგარიშწორება განხორციელდება ყოველთვიურად მიღება-ჩაბარების აქტის გაფორმებიდან ან /და საგადასახადო ანგარიშფაქტურის წარმოდგენიდან 10 (ათი) დღის განმავლობაში. თუკი ანგარიშწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშწორება განხორციელდება მომდევნო სამუშაო დღეს.
- 4.2. შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს ფინანსური საქმიანობისა და შესყიდვების სამმართველოს მთავარი სპეციალისტი (შესყიდვები) მერაბ კიკვაძე.

5. მომსახურების გაწევის ვადა

- 5.1. მომსახურების გაწევა მოხდება 2016 წლის 1 მაისიდან 2016 წლის 31 ივლისის ჩათვლით, (სამი თვის განმავლობაში).

6. მხარეთა უფლება-მოვალეობანი

6.1. შემსყიდველი უფლებამოსილია

6.1.1. წინასწარ, ერთი თვით ადრე, წერილობით შეატყობინოს მიმწოდებელს და ცალმხრივად შეწყვიტოს ხელშეკრულება;

6.1.2. ნებისმიერ დროს განახორციელოს კონტროლი (ინსპექტირება) და ზედამხედველობა მიმწოდებლის მიერ ხელშეკრულების პირობების დაცვაზე (ინსპექტირებას განახორციელებს შემსყიდველი ორგანიზაციის წარმომადგენელი საზოგადოებასთან ურთიერთობის სამმართველოს უფროსი - ანა ბაქანიძე).

6.1.3. მოსთხოვოს მიმწოდებელს ხელშეკრულებით გათვალისწინებული ვალდებულებების ჯეროვნად შესრულება;

6.1.4. გამოიყენოს კანონმდებლობით მისთვის მინიჭებული უფლებები.

6.2. შემსყიდველი ვალდებულია

6.2.1. სრულად და დადგენილ ვადაში გადაიხადოს „მომსახურების“ საფასური, 4.1. პუნქტის მიხედვით.

6.2.2. გამოიყენოს „მომსახურება“ საქართველოს კანონმდებლობის შესაბამისად;

6.2.3. თავად უზრუნველყოს მისი ვებსაიტის პროგრამული დაცვა;

6.2.4. ჯეროვნად და კეთილსინდისიერად შეასრულოს ხელშეკრულებით გათვალისწინებული ვალდებულებები.

6.3. მიმწოდებელი უფლებამოსილია

6.3.1. ქსელის და სერვერების სრულყოფასა და განვითარებასთან დაკავშირებით (ახალი მაგისტრალის ჩართვა, ტექნიკური საშუალებების განახლება/ან მოდიფიცირება, ქსელის კონფიგურაციის შეცვლა, ახალი ტექნოლოგიების დანერგვა და სხვა) მოახდინოს სერვერის დროებითი გათიშვა აბონენტთან წინასწარი შეთანხმების საფუძველზე, არაუმეტეს 4 (ოთხი) საათისა, 1 (ერთი) კალენდარული თვის განმავლობაში;

6.3.2. მოსთხოვოს აბონენტს ხელშეკრულებით გათვალისწინებული ვალდებულებების ჯეროვნად შესრულება;

6.3.3. გამოიყენოს კანონმდებლობით მისთვის მინიჭებული უფლებები.

6.4. მიმწოდებელი ვალდებულია:

6.4.1. უზრუნველყოს მიმწოდებლის კუთვნილ ვებ-სერვერზე აბონენტისათვის სივრცის გამოყოფა დანართში #1 განსაზღვრული პარამეტრებით;

6.4.2. 6.3.1. პუნქტის მიხედვით წინასწარ ცნობილი და დაგეგმილი გათიშვის შესახებ აბონენტს აცნობოს მინიმუმ 12 საათით ადრე;

6.4.4. კეთილსინდისიერად და ჯეროვნად შეასრულოს ხელშეკრულებით გათვალისწინებული ვალდებულებები;

6.4.5. არ გაამჟღავნოს აბონენტის პერსონალური ინფორმაცია გარდა იმ შემთხვევებისა, რაც გათვალისწინებულია საქართველოს კანონმდებლობით.

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების ინსპექტირებას განახორციელებს შემსყიდველი ორგანიზაციის წარმომადგენელი საზოგადოებასთან ურთიერთობის სამმართველოს უფროსი - ანა ბაქანიძე.

7.2. ინსპექტირება გულისხმობს მიმწოდებლის მიერ ხელშეკრულების პირობების შესრულებისა და გაწეული მომსახურების ხარისხის პროცესის კონტროლს.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულების შეუსრულებლობის, ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.

8.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს (სამი), შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8.4. იმ შემთხვევაში თუ ხელშეკრულების პირობების შესრულების შეფეხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

- 9.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 9.5. მხარე ვალდებულია არანაკლებ 5 (ხუთი) დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს გათვალისწინებული გადაწყვეტილების მიღების განზრახვის თაობაზე.
- 9.6. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

- 10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომელებსაც გააჩნიათ წინასწარ გათვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური უბედურებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 10.2. თუ, ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.
- 10.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 10 სექტემბრის ჩათვლით.

13. საერთო პირობები

13.1. მიმწოდებელი არ არის პასუხისმგებელი აბონენტის მიერ ქსელში გატარებულ ინფორმაციაზე ან/და საიტზე განთავსებული ინფორმაციის შინაარსზე; „მომსახურების“ ხარისხზე, თუ ხარვეზი გამოწვეულია აბონენტის ლოკალური ქსელის ან/და ინტერნეტ პროვაიდერისგან მიღებული სერვისის გაუმართაობით;

ვირუსული პრობლემებით ან/და თუ აბონენტის სუბიექტური მოლოდინი და მოთხოვნა აღმატება ხელშეკრულებით განსაზღვრულ მომსახურების ხარისხსა და მახასიათებლებს.

13.2. შემსყიდველი ადასტურებს, რომ გაცნობილია და ეთანხმება მიმწოდებლის საიტზე <http://serv.ge/> გამოქვეყნებულ სერვისით სარგებლობის წესებს და ტარიფებს;

13.3. შემსყიდველი თანხმობას აცხადებს მის მიერ მითითებული პერსონალური მონაცემები შეყვანილ იქნას მიმწოდებლის მონაცემთა ბაზაში;

13.4. ამ ხელშეკრულებით შემსყიდველი ყიდულობს მომსახურებას და მას საკუთრებაში არ გადაეცემა რაიმე ტექნიკური მოწყობილობა ან/და ნივთი;


13.5. ახალი ან გაფართოებული მომსახურების გაწევის შესახებ აბონენტსა და კომპანიას შორის იდება დამატებითი ხელშეკრულება.

14. რეკვიზიტები

ს.ს.ი.პ. „საქართველოს ბავშვთა და ახალგაზრდობის განვითარების ფონდი“ საიდენტიფიკაციო კოდი: 202958255 ფაქტობრივი მის: ქ.თბილისი, ჭავჭავაძის #49ა. იურიდიული მის: ვაჟა-ფშაველას 76ბ საბანკო რეკვიზიტები: სახელმწიფო ხაზინა: TRESGE22 ხაზინის ერთიანი ანგარიში: 302009921 სახაზინო კოდი: 390402	და შ.პ.ს. „სერვ.ჯი“ საიდენტიფიკაციო კოდი: 205277369 მის: ქ. თბილისი, ი. აბაშიძის 42 ტელეფონი: 2 43 00 43 საბანკო რეკვიზიტები: ს.ს „თიბისი ბანკი“ ბანკის კოდი: TBCBGE22 ანგარიშის ნომ: GE49TB7651036020100001
---	---

დირექტორის მოვალეობის
შემსრულებელი: ნ. კობიძე

დირექტორი: რ. ნატროშვილი



ხელწერილი

ინტერესთა კონფლიქტის არარსებობის შესახებ

ქ. თბილისი

21 აპრილი 2016 წელი

ვადასტურებთ, რომ „სახელმწიფო შესყიდვების შესახებ“ საქართველოს კანონის მე-8 მუხლის თანახმად, ინტერნეტმომსახურებების შესყიდვასთან დაკავშირებით გასაფორმებელ ხელშეკრულებაში მითითებულ მიმწოდებელთან ინტერესთა კონფლიქტში არ ვიმყოფებით.

ხელშეკრულების დადებაზე უფლებამოსილი პირი ნ. კობიძე ნათია კობიძე

მიღება-ჩაბარებაზე უფლებამოსილი პირი მ. კვიციანი მერაბ კვიციანი

კონტროლის განმახორციელებელი პირი ა. ბაქანიძე ანა ბაქანიძე

